



安陽縣志卷之九

藝文志下



合襄平馬國楨纂修

碑銘

宋故大中大夫行右諫議大夫上柱國南陽縣

開國男食邑三百戶賜紫金魚袋贈開府儀

平春三同三司太師中書令兼尚書令魏國公韓公

神道碑銘并敘

富弼鄭公

安陽縣志

卷之九

藝文下

一

承恩堂

丞相衛國公以書來告曰我先人沒於大中祥符四

年春三月之甲申葬於慶曆五年春二月之己酉雖

論行有狀誌壙有銘載於史有傳施之幽顯不為無

述然墓在吾里相州安陽縣之新安村有窆棺之碑

存諸隧公雅與我游又嘗陪議軍國於二府知吾家

為詳宜為我列先人事實刻於其上以表於道燦然

使後世觀之者曰此有宋賢臣之墓可信不惑不待

鉤考而後見則吾志畢矣余曰諾按春秋晉侯有子

食韓原其後遂以韓命氏六卿裂晉自王又有以韓國爲氏者子孫散適諸郡國其在昌黎者最爲著姓公卽昌黎之裔也達者歷世不絕遠祖徙居淡州之博野四代祖曰又賓事唐僖宗爲鎮冀淡趙等州節度判官檢校太子左庶子兼御史中丞時巢寇亂中原其帥王景崇檄諸鎮兵大破之謀皆出於庶子庶子生二子其季曰昌辭於公爲曾王父終於真定府鼓城令鼓城生璆爲王父少自力學工爲歌詩與晉

安陽縣志

卷之九

藝文下

二

承恩堂

人李崧徐臺符淡相善名重一時任廣晉府永濟令避亂又徙居趙郡之贊皇臺符爲作詩哀其不達而終其詩甚悲崧乃以其弟之女妻其子構卽公之考妣也考始居於相以文章稱尤妙書奏諸侯府爭辟之能致之者卽一府遂治嘗宰貝州之清河始至與民約曰屈法擾人等事吾斷腕不爲惟惠利者爲若力之民於是大悅然亦畏伏絲毫不敢犯歷仕周晉二代以世亂亦不得進入宋藝祖平南海徧選守巨

乃命知康州未幾以太子中允卒於官公漸顯累贈
工部尚書有子四人公於次爲第三諱國華字光弼
幼而警絕鄉舉進士太宗初一上中興國二年甲科
授大理評事通判瀘州代還遷右贊善大夫會詔與
相帥擇賢佐改彰德軍節度判官凡從官者率以鄉
里爲難至則斂鋒鏑一煦以恩公時尚少處之氣益
勁不爲少損有民李氏者怙富殺人厚以賄州之上
下爲汨其情將不寘於死公持之盡抉其姦隱李卒

安陽縣志

卷之九

藝文下

三

承恩堂

棄市由是諸豪憚之疊足不敢動公每出按轡儼然
未嘗妄視里人每置酒賭曰有見其左右顧者飲之
至罷去竟不得飲時國用方窘半倚關賦乃升秘書
省著作郎監上蔡稅以監察御史召彈擊有稜角巖
然望高於臺閣屬天子議復燕薊揣廷臣曰安得勇
而善辭令者爲我論高麗出兵西攻以分其力則吾
事可不勞而集旣曰非韓某不可卽假以太常少卿
爲使公馳舸至其國其王負固不卽奉詔公坐館舍

遣王書責以慢命且稱朝廷威德之盛諸僭偽悉以擒滅遂欲北取故疆以雪晉恥而委王以方面者其意不已重乎惟我中國是賴可以得志諸部雖暫勤而衆實寔畏世之利也今若不勉天子怒一日大兵東出先誅不用命者如决海灌燭火王其無悔王大恐奔走率職明日遣大相韓光元輔趙抗領兵數萬度溟江以侵契丹且令光等率諸將詣館門聽命公待以陪臣禮爲指畫方畧衝勒而慰遣之師期未集

安陽縣志

卷之七

藝文下

四

承恩堂

公又累與王書獎激礪礪使不得少懈復問曰漢入攻之邪姑挑戰也王報曰已漢入矣公得其肝膽遂復命天子喜拜右拾遺直史館面賜五品服章兼判登聞院入三司爲開封推官公論開封司主出納三部文籍置推官其名不正宜更判事之號尋詔改主判三司開拆司遷左司諫充鹽鐵判官久之契丹大將蕭寧遣使叩雄州約和州將劉福信之以聞天子因思高麗功立命公走雄州按其事亦令代福作報

書索其情僞寧之意欲我先發公固願息兵以養民
然念國體不可屈書十餘反終不許復意其謫而有
謀乃謝使者急令備邊還奏天子又大喜益愛其才
故事凡曲燕五品以下官非隸館閣者不預時燕侍
臣於苑中公以在鹽鐵例罷史局不得入荷天子特
命直昭文館三司判官兼館職自公始既又歷判鹽
鐵度支戶部三勾院改左計司判官主計者嫌其守
正不肯下密讒於帝帝雅信公即日詔總判三司賜
安陽縣志

卷之九

藝文下

五

承恩堂

三品服章仍令宰相召於政事堂諭旨讒者沮公
圖報益自奮條三司不便事二十七上之官民偕利
後無以易者遂著爲法俄出爲京東轉運副使卽拜
峽路轉運使峽爲險遠一路官俸薄不可責以廉公
奏益之至今峽中官德公不已真宗卽位入判大理
寺自始登尙書秩至是凡五遷爲職方郎中出知河
陽徙潞州會契丹由梁門入犯河朔分兵畧太行其
鋒甚銳潞人恐公以精騎屯吳谷扼其衝敵遂不

敢犯其境又率本道糧以餉朔軍王師大濟帝嘉之
褒以璽書景德初契丹再至澶淵驟請修好朝廷以
其多變詐使絕域者難其人人亦憚其往故首命公
假秘書監爲國信使江南饑又遣巡撫專一道之政
還朝權開封府判官出知曹州拜太常少卿徙泉州
天子封太山擢爲諫議大夫召歸道病卒於建陽驛
泉人聞之傾一州來會哭久不忍去朝廷舉卹典賜
一子官所以慰其旅魂也公儀相魁碩有偉量與人

安陽縣志

卷之九

藝文下

六

承恩堂

接坦然必盡其誠不露形跡亦不設機鍵尤薦於孝
友常恨祿不逮親居多感涕凡俸賜悉分惠宗黨不
問疎密姊數人孀且老皆迎歸奉之以終其身又爲
外姻之貧者畢嫁娶復與營其生事教子舍悉用經
術而濟之以嚴法得任子不與奏蓋欲使其自致也
故諸子多能踐其世科公沒後布衣者尙三人焉噫
公年十九時已入官壽雖止五十五而其間從政者

幾四十年可謂久矣事兩朝不懈夙夜國家每有急

難處必首被選委又在計庭更八任不得解迹其從來不爲不遇中外望歸謂必大所受天子亦屢欲用之而公素方整守道權倖者多不說故每爲其所間而止公惟所任莫不竭其力不以抑壓自憊而遂浮沉於時向若得所用如人之所望者經綸設施布宣光昭其爲功德非古賢孰與校之哉娶羅氏諫議大夫延吉之女鄴王紹威之孫封宜城縣君六男球湖州德清尉瑄將作監主簿琚司封員外郎兩浙轉運安陽縣志

卷之九

藝文下

七

承恩堂

使琬河陽司法叅軍璩秘書著作佐郎或自科舉或由蔭授方以才名竝進而不幸繼亡琦相仁宗皇帝被遺制立天子爲門下侍郎兼兵部尙書同中書門下平章事昭文館大學士衛國公望臨天下勲冠列辟以公積德儲慶所宜身享厚報然恨早世不克待其發而發於丞相丞相以似以繼傳之者又可涯邪一女歸於衛尉卿高志寧丞相貴累贈公與祖尙書

曾祖永濟三代竝太師中書令兼尙書令又啓魏

冀三國皆追封爲公妣羅氏祖妣李氏曾祖妣史氏
亦以魏燕齊三國追封太夫人銘曰士孰不官公官
獨難使臨東島跨海渺漫指麾出師勢分敵患王始
倔強恃遠且艱視詔抹刺不奉以虔公怒移書以訶
以譟闢以禍福同異之觀王雖島酋聞義惕然發兵
餽糧革頑易慳對盧禱薩伏命館門能俾遠敵舉國
奔職不憚已勞不畏鄰隙又俾宣敵斂其毒螫二邦
由公一舉斯得繼走朔陲議收戈戣坐策立判寇姦
安陽縣志

卷之九

藝文下

八

承恩堂

不施不爲其欺國不挫威兩使外禦天子再怡益之
衆美大用是宜而卒不用讜人之爲復不永年道卒
遐裔與考同之勤官攸致位不都躬萃於幼嗣曰將
曰相勲德名世本支原流公得何異何以畀之天相
其類天實使然人亦靡然誌諸冥然其昭昭然

按韓公先封衛國畫錦堂記石刻可攷後乃封

魏

宋神宗御製兩朝顧命定策元勲之碑

熙寧八年六月甲寅定策元勲之臣永興軍節度使

守司徒兼侍中魏國公判相州韓琦薨訃來京師朕
盡然追慟若不勝詔輟視朝三日贈尚書令配享英
宗廟庭七月癸酉成服於苑中哭之慟又敕入內都
知利州觀察使張茂則往護喪事於是其孤忠彥上
公勲德之狀於有司已而集議尚書省皆以謂謚公
忠獻無易朕念旣葬而墓隧之碑未立嘗考大雅烝
民之詩雖美宣王之德而實大山甫之功肇其所生
與其所施及乎進止威儀衣服車馬之盛莫不與民
安陽縣志

卷之九

藝文下

九

承恩堂

咏歌之以慰山甫之心可謂至矣蓋臣之致功者大
則君之享福也隆然則曷可無述今觀公之大節所
以始所以終宜有金石之刻以著信於後世而錫訓
於子孫非朕其誰爲之惟韓氏遠有世敘始武子事
晉得封於韓遂以爲氏韓寔其子孫散之他國望出
博陸推其族世名爵而譜猶存其三世葬安陽公安
陽人字稚圭生而有異稟少好學夙智早成天聖五
年公甫冠擢進士甲科授將作監丞同判淄州召試

學士院除直集賢院再選太常丞監左藏庫歷開封
府推官三司度支判官改左司諫時天異數見宰相
以疾五日一奉朝請執政者德輕不足與論天下事
公連疏中書所行乖失久不報又請下御史臺集百
官決是非於是同日詔罷執政者四人公爲諫官凡
中外職有預責苟有所知者未嘗不言其啓迪上心
則又每以明得失正紀綱親忠直遠邪佞爲急初王
曾爲宰相謂公曰今言者太激無補上德如公言可
安陽縣志

卷之九

藝文下

十

承恩堂

謂切而不迂矣是時曾望方崇當時世人罕見獎與
公得其言益以自信俄詔同丁度定雅樂公以阮逸
胡援尺律之法出於私見皆詔罷之且請用王朴舊
樂遷起居舍人知制誥知審刑院監利歲大荒爲劍
南三路安撫使活饑民百餘萬減稅役數百人奏除
諸郡收市上供綺繡不急之物以便民趙元昊反以
兵圍延州又爲陝西安撫使馳往撫邊至則賊引去
矣方大將劉平遇賊於百口以軍敗被執監軍皆相

懼罪誣言上平實降朝廷乃救收其子命御史臺置獄於河中府公力爲陳之平子旣蒙釋又得推恩及其家夏竦爲陝西經畧安撫招討使公以樞密直學士副之公持攻守三策以決於上仁宗欲取攻策執政者難之公曰抗異以區區數州之地其衆可知也顧非舉國不能以內寇漢拘成法城邑之守未嘗出境賊所以猖獗而屢勝也今彼志氣驕惰我儻併兵從一道出糧充械利鼓行而前宜無堅敵矣曷不用

安陽縣志

卷之九

藝文下

十一

承恩堂

攻策公言雖懇然朝廷終以爲不可俄還涇原聞元昊遽求盟公曰無約而請和者謀也下令諸將日夜戒嚴方召兵瓦亭賊已寇山外公指圖授任福曰此地有險可保彼雖衆不足畏也宜堅壁待之無得輕出軍久則勢自歸且隨躡其後擊之可有功旣而又檄戒福曰違節度雖有功亦斬福庸將也卒爲致敵而死之夏竦使人收散兵得公所與檄於福家帶聞乃言失軍之罪不在公朝廷猶奪一官得知秦州

月復其官如故會分陝西爲四路改秦鳳經畧安撫使明年詔易陝西四帥皆爲觀察使如范仲淹龐籍三公亦辭公獨不辭曰上方憂邊甚臣子忍擇官乎頃之復爲樞密直學士諫議大夫又爲陝西經畧安撫招討使公在邊久積養士氣日益振又欲用策取橫山以復河南故地會元昊求稱臣而未遂公與范仲淹素善天下稱韓范仁宗亦知此二人者遂同除樞密副使而相與復陳其策上前元昊已臣矣其謀安陽縣志

卷之九

藝文下

三

承恩堂

卒不得用前此鄭戡代公爲四路帥遣劉滬董士廉卽降羗所獻地築水洛城城役方作會戡罷涇原帥尹洙以爲非便止之滬等猶城不已洙乃械送於獄且將斬而戡力爭於朝公亦以爲水洛可罷而滬等犯令之罪不可貸朝廷命廷臣各視利害旣成而士廉等詣闕訟其事是時公同進用者已悉罷去公因自請補外詔以資政殿學士知揚州又徙鄆州徙成德軍分河北爲四路就移定州安撫使知定州更本

殿大學士尙書禮部侍郎以觀文殿大學士畱再任
拜武昌軍節度河東經畧安撫使知并州契丹侵我
天池公使裨將蘇安靜諭之曰爾嘗求我修池上神
廟今曷見侵也敵不服安靜指外黃崑山之麓與之
爲約不敢踰行塞下多閑田先是國初潘美爲帥時
敵頻出鈔掠竝邊之民甚苦之美乃令內徙空其田
以爲禁地公日以敵日加侵苟失不耕是將遺敵也
乃募弓箭手四千墾田九千六百頃公數罹霜露

安陽縣志

卷之九

藝文下

三

承恩堂

之疾願上武康節罷邊東還詔聽以節知相州且疾
間授三司使工部尙書尋除樞密使自國朝剗革僭
暴所積機要文書皆散亂湮鬱不可考究諸房比例
前後檢用未嘗同吏每揆高下以市賂乃奏命官條
悉刪畱而論次之姦緣以止其得祖宗御筆所裁則
悉上秘府以爲世主憲總千餘條後至中書亦行之
以本官同平章事進刑部尙書昭文館大學士監修
國史封儀國公仁宗方倚左右大臣以經畧太平之

務公因得選敕郡司百吏使奉法循理各安其職而天下晏然無事百姓遂安刑罰衰止衣食滋殖守成之業茂矣仁宗在位四十二年皇嗣未立而天下共以爲憂大臣顧避退縮莫敢爲上言公乘間進曰皇嗣者天下安危之所係自古禍亂之起由策不早定也今陛下春秋高尙未建立何不擇宗室之賢者而定之以爲宗廟社稷之計乎他日又進而言曰昔漢成帝在位二十五年議立孝元帝孫定陶王爲子成

安陽縣志

卷之九

藝文下

古

承恩堂

帝在漢非高才主且能之以陛下之聰明睿智奈何久不決也始以英宗判宗正寺英宗稱疾辭未受命仁宗以問公公曰各分之未定去就之所難也臣切憂之帝悟遂詔立皇子公復稽首曰事定矣臣復何憂時詔雖下英宗辭益堅仁宗欣然用其策英宗既爲皇子卽皇帝位於時天氣溫晏宮廷內外罔不肅然自畿中市井猶有未知者加門下侍郎兼兵部尙書平章事進封衛國公爲仁宗山陵使初英宗暴得

英皇太后垂簾權聽軍國事及皇躬康復公乃請乘輿素仗出祈雨都人猶未識新天子至是瞻仰天日之表乃相與言君貌類祖宗真英主也太后聞之喜卽下令還政進左僕射兼樞密院事提舉修仁宗實錄昭陵復土上大丞相印綬英宗親製手詔賜之語甚眷公乃起不敢辭辭兼樞密院事許之其年南郊大禮進封魏國公以陝西戍兵多軍常不足欲籍下民爲義勇方議上諫官司馬光言曰往者嘗籍之爲安陽縣志

卷之九

藝文下

七

承恩堂

民兵遂涅之爲官軍父母妻子莫不環顧以泣也臣願以一身救數萬之命英宗曰河北河東亦有義勇何陝西爲不可公於是督使者疾馳往籍之得十四萬人光猶上前論其事英宗曰已籍之矣何獨未知也夏賊寇大順城公卽欲停歲賜絕和以問罪於其主諒祚大臣或有以保元康定之間四方用兵王師傷敗之事諫於上前陰撓其謀者公曰此但膠往迹何不較今日彼我乎且諒祚狂童非有元昊智計而

朝廷邊備乃人過昔者誠詰之彼必屈服時衆雖屈公然心不善之也英宗既用公策遂遣使賚詔往問罪而諒祚懼以表謝於朝廷會英宗已寢疾輔臣入起居於便殿公叩榻問諒祚所上表云何英宗曰亦如前日所料耳於是向之異議者媿服公之謀且善英宗之聽也未幾卽以內承詔以朕爲皇太子治平四年正月庚戌被額命遷朕卽皇帝位拜司空兼侍中爲英宗山陵使既還又引故事願罷相不聽固請

安陽縣志

卷之九

藝文下

六

承恩堂

乃以鎮安武勝軍節度使兼侍中判相州仍虛上宰位待之賜興道坊第一區公因以國朝故事領兩鎮者未嘗有辭不拜改淮南節度使种諤取綏州宥州貢不至旣敕備於陝西又改陝西經畧安撫使判永興軍或以綏州孤遠難於饋餉請棄與賊者朝廷信之命公廢焉公以謂其城阨衝要據橫山界下視平原不可毀畱詔抗議以便宜檄邊固守之乃得存迄今爲延州東北形勢之障公旣常有滅寇志因是乃

大搗榜塞上具陳向背禍福招來橫山之卷爲進討之計會關中頻歲不登邊廩無餘粟朝廷雖多公策而時不相之故其功卒不就河北地數震又改河北安撫使判大名府兼北京留守公名動外廷每漢使至遼遼必問公安否熙寧初公子忠彥使遼燕于戎帳其主顧問其常使漢者曰忠彥肖其父乎曰然遼命工圖之而去故例遼使過北都輿留守通書皆不名明年來賀同天節副使成堯錫謂接伴曰今以韓

安陽縣志

卷之九

藝文下

七

承恩堂

丞相故特書名後人雖欲其名而不得也以永興軍節度畱再任公雖畱辭所加命復判相州居二年乃言臣老矣恐不足任事願乞骸骨以歸鎮以向所加命授之公雖在外朕常璽書訪以機事使還具言公形殆非復在執政目朕方念公深遂不能起可勝慟哉公天資忠孝巖然如山真至論大事決大疑辭氣雍容不見其有憂喜之容也方天下以爲憂公獨能蹈危機進沉斷上以尊強宗廟社稷下以慰安元元

之心功高而不矜位高而不驕祿富而不侈自宋興
以來功臣未能遠過也公爲宰相十年蓋進入多矣
然未嘗以官職私所親例得恩澤先推與其旁支逮
朝廷錄遺其子猶有未命者公薨前夕有大星殞治
所櫪馬皆鳴其年十一月庚申發兩河卒以一品鹵
簿葬公相州安陽縣豐安村之原享年六十八歲曾
祖璆廣晉府永濟縣令祖構太子中允父國華諫議
大夫皆贈太師中書令兼尙書追封齊燕魏三國公
安陽縣志

卷之九

藝文下

六

承恩堂

男六人忠彥太常丞直龍圖閣端彥右贊善大夫純
彥粹彥嘉彥皆大理評事其一人早卒孫男六人維
公奉仁宗詔立皇考爲皇子被額命立英宗爲皇帝
被英宗額命立朕以承祖宗之緒可謂定策元勳之
臣矣或以公安社稷方周勃致治比姚崇其言不幾
然乎朕旣述公以文遂篆其首曰兩朝額命定策元
勳之碑夫豈特慰公之知亦將爲天下臣子之勸銘

曰獄祗孽賊默降靈氣匪申匪用而相予治赤精傳

圖繼生仁宗誰適作相有來魏公烈文魏公匪卜於
枚天實賚予魏公有來公治萬世靡猷不經進退賞
罰惟時權衡晦明風雨罔拂厥序男女潔誠以田以
縷萬物熙熙四塞舞歌雖本帝力公陳亦多皇有大
器誰嗣誰尸公陳與予天命不逃功成辭隆視天盈
虛旂常之載勤勞終初乘彼路車袞衣赤舄其誰公
如將相出入公行不歸公死是悼本闕二字公儀淚落苑
草永懷英宗公則配食我徂於宮孝思罔極潔粢碩
安陽縣志

卷之九

藝文下

七

承恩堂

牲鐘鼓管絃公從享之何千萬年

胡叅政父墓碑

元馬祖常

御史

公諱景先字彥明少端默有遠操內自修飭不求當
世譽事寡嫂盡禮畜其孤如己子人有貸錢爲本業
子本相埒至萬十數貧莫能償主責之棘多自經公
捐資爲償之里人謝爲券質公所公火其券歲大稔
出廩實以賙其鄉旣置又賣田繼之至熟人將酬之
不受盜有竊其牛羊者又竊所乘馬公知賊處不用

人嘗具饌奉公公肉而甘召庖人問之曰燔能澤濡
能焦味奚是適庖對以法上下釜皆新鑄合肉其中
密其欸頂跡加火焉公曰得毋損釜乎味於適而器
於弊吾弗忍平居恂恂恭謹遇人無戚疏豁然無機
噎或欺罔之不以變春秋高矣出入閭里常御車馬
不御輿故人父老遊或具几杖亦不扶鄉人尊之謂
翁真長者謂其子弟必教以公爲法致和元年卒年
八十子彞由丞相掾起家爲工部主事官十轉爲中
安陽縣志

卷之九

藝文下

辛

承恩堂

奉大夫職十有二遷爲侍御史彞爲河南行省左右
司員外郎河南大饑使苦發廩者如繹省臣以格未
卽許彞時代判省牘乃專發米三十二萬石所活五
十萬餘人其爲河西隴右僉憲隴右地極邊吏往往
闕畧乾沒無所顧彞按擿姦賊墨坐者十有一人釋
濫繫者八人沒贓四百五十萬婚其爲右司都事有
以西域僧卜兆言釋重囚以解除者中貴人傳旨引
富人子當死者至內廷將脫械彞自宰相置之獄其

爲御史爲員外郎左司所言於上悉同衆所不能具
不敢言者臨事裁決引大體畧細故矯無所屈又聞
其爲尙書戶部也天子入正大統故典親王宗臣庶
官衛士錫予之數爲金幣穀帛以萬萬計時浹月間
舉故典者再執事者請括金民間以充用時廷臣多
是其議彛獨以爲不便乃稽諸內府之隱覆郡縣土
供之實與內帑歲積之羨不給則令鹽商入銀以準
幣大朝會遂無闕事臣攝官御史中丞知經筵事實
安陽縣志

卷之九

藝文下

三

承恩堂

與彛同署又見其闡翼憲紀糾繩官表入侍講幄考
質經義究觀前世之變理亂興衰之際必委悉焉士
論咸以誦彛而彛之語臣必曰魏公之教不敢忘噫
觀彛之事而質以其言蓋可以知公矣

許樂菴墓誌銘

金澤棘以講書崔執銳

許氏受氏而來遐哉赫矣自潁川遷湯陰則勝國時
諱毅者毅生熙載字獻臣號東岡三歲而孤母宋氏
年二十有八挈東岡往依舅氏於湖湘宋高節聞者

詩而頌之東岡長辟湖廣行省官至會福院照磨著
女教經濟錄及他文十餘萬言臨川吳幼清稱之曰
喪親而孝居官而廉東岡仲子有壬字可用號圭塘
登延祐乙卯上第官至中書左丞有集百卷謚文忠
功德爛然元人曰公遇國大事身任之不知有死生
止開河東弭盜言如著蔡詩婉而豪文雅而辯老遇
元將亡抗節愈厲季子有孚字可行登天曆庚午上
第官儒學提舉湯人作雙桂堂侈其遇文忠公生禎
安陽縣志

卷之九

藝文下

三

承恩堂

國初籍安陽禎生壽生坦坦長子顥字孟敬登景泰
甲戌進士官至南康知府明決富才年格其用顥子
忱字中國博學能文古朴不隨俗流昏於李氏李鼎
貴忱畧不降詞色下之常有憂天下之心疾革自吟
曰丹心不泯常憂國白髮無端早上頭竟不第而死
顥弟顯邑學生配廉氏生樂菴君云君生三月喪父
十有二年喪母君樂棘棘每慟殆絕乃依伯母李
氏李又卒乃輟業治東岡故田一夫力作自給稍裕

撤舊廬而弘之作先祠修時祭性真率坦易面質少
俊者過皆服已又縫補缺失與親戚故人歡宴倚席
歌圭塘詩辭甚自得一座傾耳聽收拾先世譜系遺
文罔墜樂菴子復禮登今上乙未科進士官刑部主
事樂菴訓之曰奉官箴自約身始也理官事自省私
舉也復禮循所教官甫爾卽奕其聲郡倅來掌縣欲
以官房高敞者易其廬樂菴謀於予曰屋雖陋舊業
也吾相自兵興幸而存者如懷幾族邪兒始一官吾
安陽縣志

卷之九

藝文下

三

承恩堂

不惠人私予曰晏子不易宅君強畀之而又反之菴
於左史樂菴卒辭樂菴諱懷字思善娶劉氏一女嫁
賈大興孫男二人樂菴生於成化癸巳五月四日今
戊戌三月十五日卒得年六十有六八月 日墓武
官先兆予嘗悼中原午衢每兵興閭巷至斷烟火夫
邑無世家則上何憑而下何倣與宜其忽靡靡也迺
考許氏之世叅以元人之言及今郭太史質夫之狀
釀事成次采詞合章授於刑部君刻石詞曰鬱鬱乎

佳哉許氏之藏前洹後岡東岡圭塘有儼其行君臣
宅諸昭其萬禩無傷

張仲修墓誌銘

崔銑

亡友張子仲修卒於漢中嘉靖四年正月二十四日
也生成化乙未五月九日享年五十有一嗟乎吾友
諱士隆字仲修河南安陽人世居高平渠南故號西
渠父諱魯恢博自信嗜酒不以世故介懷贈監察御
史母朱氏封太孺人勤節治生性明辯通世務臨事
安陽縣志

卷之九

藝文下

七

承恩堂

卽斷而和且安吾友自以爲弗及母云仲修舉弘治
乙卯鄉試戊午喪父貰屋貸粟以生非厚者莫知其
窘辛酉奉母攜一妹一弟卒業太學明年試又不利

三原馬理伯循集友講學大約明經修行母慕高虛
母溺詁訓母耽辭母陷利與名其志以洙泗爲師仲
修獨持議曰諸君日端默戢戢可謂能閑其心矣要
須於事爲驗其實身與世爲二理與事相乖非聖人
合外內之道也銑等弗可仲修又明年甲子仲修及

銑還安陽乙丑赴春試馬子見而欣然曰仲修昔者
之言聖學也吾輩其亟從事焉是春仲修舉進士授
廣平推官明嚴民畏之正德壬申晉監察御史朝臣
各立從或以門生或以鄉里故知附大臣大臣利其
偵事護缺曲庇顯升仲修惡其然光祿卿李良素諂
事少師洛陽劉公得美遷又以女字少師孫子少師
以諫爲劉瑾所逐良詐言女死乃他適仲修上疏劾
良且曰使今大臣知彼小人終必相負盍早絕之而
安陽縣志

卷之九

藝文下

三

承恩堂

遑遑乎延正人也良竟坐罷癸酉巡河東鹽法運使
劉瑜貪而有奧援遷叅政仲修劾罷之革豪右以均
商嚴取曬以美鹽以其瑕建正學書院鑿青石槽開
茅津皆爲大衢車可行甲戌內宮災上疏曰陛下前
有逆瑾之橫後遭薊盜之亂旣不之警方且興居無
度暱近非人積戎醜於禁中戲干戈於臥內徹夜燕
遊外見烟燎內廷大土木權豪競華侈親信內臣取
貨於外又扣軍糧皆各進貢織造龍幄科害靡極鄙

猥無聞使之巡撫納銀指揮授之政事盜伏而虜發
民竭而兵罷守法御史如劉天和則就逮張璞則死
詔獄閭閻之苦禍機之畜皆不知也今宜痛懲前弊
更宜克慢絕淫早朝親政講官說經師保論道究精
一之傳考興亡之故以表天下褒衣博帶之雅孰與
市井狡穢之羣廣履細旃之樂孰與邊徼凶危之隊
不報乙亥巡按鳳陽織造中官吏宣酗酒作威以大
括財荷黃挺二曰賜棍有拒令者杖殺之無論自都
安陽縣志

卷之九

藝文下

三

承恩堂

御史不敢禁仲修疏言之且列其賄若干丙子還京
守道事有張順者京大猾也隨中官守雲南毆門子
死潛回京避之雲南撫巡移文逮之急乃出官以二
隸押送至宛源重貨二隸竊取淮上病丐斃之二隸
告順死勘實給文歸已三年矣仲修閱案疑之密廉
之數月果得順坐殺二人罪時錢寧大有寵賜姓朱
廖鵬附之初鵬以中官廖堂爲兄守河南鵬凶殘積
金帛如山旣敗又以鑿爲兄鎮守陝西而其子鎧用

事廖二名振京師傾財納士夫自師保元臣相與接
席酣飲或至旦仲修率其僚疏其罪且曰堂來鑿行
兄甫罷而弟嗣任鵬內鎧外父制中而子擅利鵬毒
河南已起內盜鎧毒陝西必召外兵朝廷豈無他才
專用一家兩省亦有何罪日受百害邪鵬寧大恨罷
職御史薛鳳鳴殺人爲巨盜被逮又夜自殺三婢子
置朝門外懷牒訴其冤鳳鳴素事逆瑾致富又凶悖
當案者卽遜去累年不決都御史幸菴彭公以獄付

安陽縣志

卷之九

藝文下

七

承恩堂

仲修及許御史完二君掠治取服鳳鳴知事急貨錢
寧以其妻女往要之寧受鳳鳴愬爲上奏乃下仲修
及許子補之獄七閱月仲修降判晉州補之定州判
仲修教民耕桑如濟民要術法果倍收民富滹水決
數縣咸災仲修奉臺檄往塞之成晉知州今止入承
大宗卽位誅竄奸宄雪忠臣冤仲修復御史所司忌
仲修才仍擬知府太宰熊峯先生石公曰凡官居者
悉以資淡超用而謫者罷者猶以淺資拘常調是故

者常伸而忠常屈也何以勸後乃得漢中守備副使
其地居終南太白間西南連蜀東接鄖豫山巖業羅
崑山中長廣數千里有良田美隄水泉沃灌宜牧多
竹木可材文狸蔚豹可裘民淘濱河沙得金大抵逋
逃者擅爲業歲貨軍官與通則吞併弱小藏大盜伺
便出掠又好報讎殺人急則生變朝廷特置都御史
鎮之仲修至首按軍官殲貪用良賊有王大王二閻
仲良結回回爲患官不敢捕所在皆立親識急則投

安陽縣志

卷之九

藝文下

三

承恩堂

匿號曰賊主仲修召主諭之曰汝能擒賊卽汝功吾
賞若否則吾率軍焚山汝等與存者幾是二者禍福
汝何居見仲修備飭語直皆叩頭曰幸公活我居數
日各獻賊仲修又取賊主牯惡者十家破滅之遂大
安乃堰響水溉田千畝立堤防溢又修雲霧水未成
而卒吾友穎敏天成書再經君不忘右人奇文奧旨
覽卽通解明政達變雖倥偬填委沛然應之各中理

人以欺至片言能折之尤惡盜吏嘗曰今民貧官空

然天無歲不生財財奚往焉古云世有兩不足之病
無兩不足之理是侵漁者衆而莫之稽也所至按籍
徵實明入考出源弊濇文皆鉤其情知縣劉景沂已
遷主事按其受官錢竟奏戍自贈御史君沒嫁女弟
三人少弟娶兩妻爲良醫副貧而能舉人難之配石
氏安陽石釗女封孺人婉順咽口仲修自入官母夫
人率就養衣自一縷以上弗敢專俸入太孺人掌之
凡僚內人燕孺人謝不敢往事仲修執役如婢壯年
安陽縣志

卷之九

藝文下

五

承恩堂

不育卽謀妾於所親仲修逡巡者數歲今子一人弓
女三人皆妾劉氏子孺人病癱五年竟以嘉靖癸未
十一月十有八日卒享年五十仲修嘗改葬太孺人
父暨母於大孟墓姑姊於楊記士陞師淇士趙錦貧
仲修過淇知之出貲嫁其女其子得妻篤友誼有終
遇勝己者禮信如師銑聞之禮云其在詩曰維獄降
神生甫及申此文武之德夫人稟淑氣而生心能與
宇宙同其清則彼氣滯發故申甫由文武來者也於

乎心感乎時數靈會於山川本培之祖宗材豈數數
得哉微乎消長之理也是故洪武諸臣多元才也革
除之臣節矣而寡猷正統之北狩景泰之易儲天順
之復辟居位者靡如也故重典用焉成化之明弘治
之仁朝無變事癸巳乙巳陰謀易適李賢劉珝一諫
而止自是而士氣昌始知以退爲道以諫爲忠以聖
爲師以經爲文及乎泰陵未造明聖日躋得張先生
元楨性理疏日夕締覽頻驚喜曰天其以斯人覺朕
安陽縣志

卷之九

藝文下

三

承恩堂

乎吾榜諸君子出焉繼遭摧折而且多天言其最者
節行則莆田黃鞏伯固居巢曹琥瑞卿葵丘王韋欽
佩守官則湖南張璞中美朱錡以獻高唐劉孝必先
壽張董建中湯民寧海張惠天澤文學則吳郡徐禎
卿昌穀晉安鄭善夫繼之壽張殷雲霄近夫太原孫
紹先汝宗今仲修又死嗟乎天之尼其名與位也斯
已矣欲善一身而不可得乃大慟而爲之辭曰嗚乎
西渠先生果哉止此天讎善人求之何矣爾德無瑕

可謂君子已焉哉已焉哉

大要郭文珮墓碑銘

明高拱

啓事

於戲人皆有晷後之願然積善靡厚則慶澤不長人皆有追遠之心然建業未隆則顯揚弗逮兼斯二者厥亦艱哉乃予惟於安陽郭氏見之郭有主簿公者今太子少保吏部尚書兼翰林院學士東野公之王父也太宰方爲吏部左侍郎兼翰林侍講學士時已恩延三世贈公如其官制大僚得樹碑墓道於是太安陽縣志

卷之九

藝文下

三

承恩堂

宰公始礪石紀實屬拱撰敘其事撰間曰主簿公諱瑒字文珮其先山西人也國初始籍安陽曾祖秉彝祖恭領鄉薦任藁城知縣有惠政受銀隱德弗耀母沈氏公夙秉慧性九歲登庠後乃洽聞遠覽經明業修升於辟雍善友天下有文暉之譽焉然獨儻磊落博厚寬和恬居寡營與物無競質直啣囊諾刻諸久要公正不阿是非決其一語常使薄滯之客聞太丘以懷慚辯訟之夫聖彥方而各返有表俗之行焉

筮仕魚臺職專水利旣稱利藪亦曰弊區而公則稽
文牒懲影射猾胥黜卒悉屏絕例餽公贏一無所
取簡易近民不煩猷朴政行事理門館晝間有循良
之績焉年齡未耆慨焉逃祿投敝廬以容膝厭五斗
之折腰有高尙之節焉沒之日屋止六楹田僅半夫
笥有殘編囊乏羨貲有清白之遺焉公論在鄉蓋棺
旣定登諸典祀仰止靡窮有身後之思焉嗟乎古所
稱篤行君子沒世不忘者公非斯人乎哉享年六十
安陽縣志

卷之九

藝文下

三

承恩堂

有四子清亦封如公官孫四長朴卽太宰公也秉政
持公進賢錯枉屹然砥柱力障頽波天子嘉其忠貞
海內望其風采次樞楨俱國子生棟舉人曾孫十二
人元孫二人太史氏曰予觀宗室名佐首稱雅圭乃
遡前猷歷皆循令今太宰公德量福履雅魏魏國而
藁城魚臺實開厥先何其似也豈濬源旣深厥流乃
大歟抑亦山川結靈開代而再發也不然何皆出安

陽哉銘曰天作霖雨山乃出雲榭楠爲棟爰托其根

若昔安陽篤生魏國實先令聞豫衍其澤後五百歲
郭乃嗣興佑啓者誰良哉藁城再傳魚臺益崇厥址
家仰餘慶民誦樂只旣培旣厚誕發於孫有名世者
丕揚厥芬持衡秉銓受帝簡眷外釐百官內弘翊贊
汚俗如波狂倒莫支有屹砥柱障而東之楨國爲忠
顯親曰孝錫命載隆貽謀有耀罔曰由藁迄厦明堂
罔曰膚寸乃需八荒公德在世公沒不亡

郭靜菴墓銘

明徐階大學士

安陽縣志

卷之九

藝文下

三

承恩堂

靜菴郭公以嘉靖癸亥三月三日卒於家其子太子
少保吏部尙書兼翰林院學士朴以聞詔賜公祭加
等遣官治墓事而命太宰馳驛以還蓋異數也太宰
哭謂余曰朴奉吾父之教以幸有今日顧主恩未及
報而吾父則已不可作惟誌其流光委社之實傳之
後來庶吾父爲不朽而朴時一誦焉亦或以圖報聖
主而光顯吾父者庶幾其有助也因再拜以銘請余
故與太宰友善不可辭按狀公河南安陽人諱清字

靖之靜菴其號曾大父恭領鄉薦知真定之藁城大
父銀父瑄以貢主魚臺簿公既寡兄弟而主簿自魚
臺歸家又甚貧須公以養故公少廢學耕於洹之野
有田五十畝屋六楹至不足給衣食而公襟度曩曠
篤於義而輕於財每與人飲連日夜無倦色人有急
傾所有資之不少吝初封翰林編修又封通議大夫
吏部左侍郎兼侍講學士又親見太宰握銓持衡進
退興陟天下士者踰年視昔耕於野貴賤殊絕矣乃
安陽縣志

卷之九

藝文下

三

承恩堂

服食器用無所加於前數步行里閭間非素相識者
不能知爲太宰父也故人尤以爲盛德嘗就養宦邸
會太宰主考南畿鄉試分校禮闈鑰門謝客訖事乃
已太宰旣在銓司數迎公養不赴鄉人入都者或索
公書爲贊輒謝曰吾方飲酒未暇爲煩語吾兒勉事
聖主勿以吾爲念先是太宰拜掌銓之命上賜手詔
曰慎評庶職先之守令於是天下翕然想見上圖治
之心而竊懼其難副及太宰考察內外羣吏注授百

僚贊不肖不爽毫髮天下又翕然頌太宰真能舉其職而公方康寧健強相與樂公之壽庶幾太宰之政有成而遽以憂去於是凡屬望於太宰者又相與歎惜於公之卒至涕洟而不能自禁也公享年七十一子男四長卽太宰次樞次楨俱國子生次棟舉人孫男十二人曾孫男二人墓在洹水之陽銘曰惟民望治甚於渴饑幸旣得之又懼失之故天下以太宰而樂公之壽及公之卒復以太宰之去而悲穆穆太宰安陽縣志

卷之九

藝文下

畫

承恩堂

天子所知尙迺其來以慰邦人之思

詩賦

詩十二人曾孫男二人墓在洹水之陽銘曰惟民望

平畫錦堂太宰次樞次楨俱國子生次棟舉人孫

韓琦

古人之富貴欲歸本郡縣譬若衣錦遊白晝自光綯不則如夜行雖麗胡由見事累載方冊今復著俚諺或紆太守章或擁使者傳歌樵忘故竄滌器掩前賤所得快恩仇愛惡任矯狷茲予來舊邦意在弗矜街

以疾而量力懼莫稱方面抗表納金節假守冀鄉使
帝曰其汝俞建燾往臨殿行路不云非觀歎溢郊甸
病軀詣少休先隴遂完繕歲時存父老伏臘潔清薦
恩榮孰與偕衰劣愧獨擅公餘新此堂夫豈事飲燕
亦非張美名輕薄詫紳弁重祿許安閑觀已嘗兢戰
庶亦視題榜則念報主眷汝報能何爲進道確無倦
忠義聳大節匪石烏可轉雖前有鼎鑊縱死誓不變
丹誠難悉陳感泣對筆視

安陽縣志

卷之九

藝文下

三

承恩堂

狎鷗亭

亭壓東池復壞基園林須喜主人歸憩棠猶茂應存
愛植柳堪驚近過圍魚躍藻間諳物性月沉波底發
禪機羣鷗只在輕舟畔知我無心自不飛

忘機堂

昔在懷章遂錦遊壞亭曾復此亭頭今歸故里藏衰
拙更葺新堂便燕休前楹月波清漲夜後簷風竹冷
吟秋伊余本是忘機者因立嘉名近狎鷗

雨後芳池碧漲秋觀魚亭檻俯臨流時看隱若駢頭
戲忽見開萍作隊遊喜擲舟前翻亂錦靜潛波下起
圓漚吾心大欲同斯樂肯插筠竿餌釣鉤

惟人生多艱康世豈易偶服業罔不勤樂事豈常有
朝家恩澤寬宣布在封守休民當有時使得遂仁壽
相署雖有園狹陋日已久州人歲卽遊疊跡但虛走

安陽縣志

卷之九

藝文下

三

承恩堂

遂令歡賞心歸去成煩嘔有圃隔牙城廣袤半百畝
我來關而通高戶敞軒牖其中完廢臺雄壯卑培塿
城野四望間萬里如在手疏池育蓮芝表道植楊柳
糞壤悉反除莠李換蔥韭盛時寒食春觀者惟恐後
今一變壅闕曠若在郊藪或相攜以歌或相醉以酒
知爲太平民歡語競聚首曰非時之康還得此樂不
予因揭是名命意安敢苟凡茲屏翰贊一境實父母

必與衆同樂斯地肯藜莠

休逸臺

二首

水井梁摧幾百秋，昔移爲柱立臺頭。
層基面壘盤螺殼，倒影侵池側蜃樓。
拂檻落霞凌綺席，入簷初月誤瓊鉤。
芳林已合陰成茂，不見西山漏萬丘。
休逸臺前復凭欄，依然風月喜生顏。
城頭仰視新栽柳，天外微分舊見山。
草色且無歸後怨，禽飛同到倦時還。
欲知恩許來三幸，錦爛輕裘白晝閑。

醉白堂

安陽縣志

卷之九

藝文下

三

承恩堂

蘓老新成池上堂，因憶樂天池上篇。
樂天先識勇退早，凜凜萬世清風傳。
古人中求尙難擬，自顧愚者孰可肩。
但舉當時池上物，媿今之有殊未全。
池東無廩貯餘粟，池西無亭撫五絃。
中無高橋跨三島，下厭鰲背浮清漣。
其間合奏散序者，童妓百指皆嬋娟。
乎無三石展湘簾，靜無雙鶴翹丁仙。
雅無吳郡西版舫，游泛安便牢且堅。
吾今謀退亦易足，池南大屋藏羣編。
一車豈若萬籍富，子孫得以精覃研。
夾堂修竹抱幽

翠森森擁檻竿逾千池中
所出麤可愛芙蓉菱角
白蓮芍藥多名來江都
牡丹絕艷移洛川及時
花勝池左右香苞爛染
朝霞鮮戇老於此典不
淺開會賓屬陳芳筵宜
賦釀法亦云美詩酒僅
可追前賢狂吟氣健薄
香漢豪吟體放忘貂蟬
酒酣陶陶睡席上醉
鄉何有但浩然人生所
適貴自適斯適豈異白
樂天未能得謝已如此
得謝吾樂知誰先

白首題畫錦堂

宋歐陽修

安陽縣志

卷之九

藝文下

七

承恩堂

白首三朝社稷臣壺漿夾道擁如雲
金貂爭看真丞相竹馬猶迎舊使君
豈止軒裳誇故里已將鐘鼎勳
不須授簡樽前客好學平津自有文

宋景文

瑞節長驅畫錦身堂成署榜示州民
遷鶯賀燕翻韶樂嘉樹甘棠次第春
漳岸波通沼壚魏臺曠日并梁塵
君看千古青綸上得意如公有幾人

謁韓墳

許有壬

考譜披圖總未真兩廻親得拜公墳降神生作三朝
相聚氣喘爲五色雲宅兆發祥符厚德碑銘無愧有
奇勲憑高更欲推形勢遠樹寒鴉滿夕曛

宿孝親寺留題

明夏言大學士

寂寞前朝寺僧說魏公豐碑含晚照高塚翳荒叢
相業千秋壯親心萬古同寒飈振林木歌苦月明中

謁韓魏公祠

本朝馬國楨

扶雲捧日見純忠宋室宗臣得魏公業在三朝光信
安陽縣志

卷之九

藝文下

早承恩堂

史名懸百代景維崧當年紳笏山河靖此日蘋蘩俎
豆崇畫錦舊碑摩讀遍森森庭柏迴含風

圭塘十二詠

元許有孚文忠公弟

景延堂

我兄壯歲辭寵榮投閒願與叔堅友異世懷抱若合
符研竅經奧蒙發蔀勲業寧庸校短長肝膽相照無

前後堂前種竹堂後桑叅李蹊中間官柳太行千仞

列崇臺洄水一支來小澗烟霞從此聚軒扉松栢自

然生崕嶺雲霓功歛且歸休天教景物娛耆耆魚躍
鳶飛觀化機高下洪纖俱不偶尋春信步過西蹊小
憩徐徐開北牖無人鼓柁自挈舟有客問奇從載酒
神仙何用叩荒唐天地應須究高厚四時佳興借親
朋一飽安能忘賦畝醉吟自是慕香山人亦有言似
迂叟我兄不荅但掀髯風月無邊共長久

大千冷然臺

有客有客衣褊褊遊不乘輿坐不船屏翳爲駕霆爲

安陽縣志

卷之九

藝文下

學

承恩堂

鞭異二除道飛廉先廣漠之外無物前飄飄歷覽俯
大千何物九點齊州烟蓬萊塊視呼羣仙天根月窟
互回旋孰其主之孰其傳漆園持論元復元機鋒一
發驚四筵扶搖九萬遶息肩夫何旬五遶言還我方
簣土臺冷然斥鷃乃與鷗鵬聯有時大醉登其巔
和叱馭仍畱連從容席地更幕天御氣無待知何年
我臺回首真蹄筌

池亭茲落成問客何以爲亭名嘉蓮適產池亭下客
笑請以名池亭軒牕面面納新旭並帶作花映波綠
允懷春陵翁胸襟澹水玉從知嗜好有人同因其淨
植淤泥不能辱澹然君子心可與共幽獨駢頭妖嬈
麗穠粧二喬亭午睡初足名亭取義殊聊以自娛日
萬春安石院

景延堂東閒隙地方平幽潔墻四周等閒草木盡屏
斥歸然中植安石榴花殷猩紅照朱夏實作玳瑁懸
安陽縣志

卷之九

藝文下

三

承恩堂

清秋風吹絳英任顛倒千葉齊綠中纔猶圭塘闕院
寄游息對此終日疲應酬偶然不悟命名意競說億
萬蒼生愁酒酣舉手謝衆客願效瘠瘞爲身謀區區
若用究根柢論詩當取王荊州明朝有意載酒至携
筇又效東山遊

松竹逕

瑟瑟君子竹亭亭大夫松有策可醫俗無夢思封公
主人不夢更不俗二友相從出幽谷枝筇繡屐日往

還飯飽茶餘笑捫腹尋詩肅客不憚煩遷迴恐踐苔
痕綠風來聲似奏笙簧日轉陰森覆醞醪豈無蒼蓋
凌烟霞愛茲翠葆光交如有時展席俯秋水亦復信
步觀春花最憐盛夏不知暑披氅仍宜雪花舞泣岐
誰更念楊朱開徑吾方希蔣詡歲寒節操堅自持心
事諒匪庸人知柴門反關無俗駕麴主時共相娛嬉
世途憶昔備艱阻烏道羊腸何足數歸來纔是履康
衢泉石多應聞此語坐要明月與清風綵雲縹緲香
安陽縣志

卷之九

藝文下

望

承恩堂

世後 莼李踐

卷之九

藝文下

望

承恩堂

望

承恩堂

望

承恩堂

昔人種莼李往往自成蹊今我就蹊上栽樹隨高低
橐駝獻精藝髡削如條槎根銜澗布土瀉溢旋封泥
滋榮藉圭塘分流始源溪春風發潛蘊枯枿逞端倪
風日激怒長及辰花已齊緬懷蕭德以美酒日幾解
不比黃娘家江畔勞攀躋靜觀悟物理乘興壺亦提
永言念疇昔栽培數難稽榮枯固有時零落病體熱

豈如來山中相從養交梨使我顏色好用詫舉案妻
奩李雖不言吾蹊勝沙隄夢斷玉珂月鞋襪扶青藜

雙洲

吾聞東海之上有十洲羣仙出入洲上頭瑤花琪樹

聚麟鳳不與塵世同春秋吾池不啻涔蹄水孰謂蓬

瀛敢相擬獨憐亦復猶雙洲雲霞蝶吸烟波裏飛橋

子午凌空虛朱闌綠柳陰扶疎亭臺倒影山色好四

顧彌望皆芙渠風爲賓月爲友但恨不將池變酒恍

安陽縣志

卷之九

藝文下

四

承恩堂

入乘槎泛天河又疑身在無何有從知雲海空復空
仙凡一笑將無同浪游不必訪弱水人間亦有蓬萊
宮吾儕小人可惜無仙骨由來二洲不是池中物

孤嶼

平生樂山性不爲仕止移更愛山在水從人笑吾癡

簞土仍景石鑿泉或開池竭來桑梓開擇勝林塘宜

一沼五畝濶孤嶼方丈危圓嶠宛成島神仙俄就規

恍船時獨泛絃管環相隨突兀螺髻鬟燦爛盤玻璃

天心秋月朗水面春風吹蓮開水香且鶴唳霜晴時
撫景恨遲暮觀物知盛衰永作窮日樂孰識往年悲
憶昔洞庭野順流彭蠡快哉金焦遊密與蓬瀛期
念彼波浪惡理此舟楫欷歔如還鄉榮聊復觀兒嬉
求仙付公等濟險真吾師幽棲謝羈鞅淹留惜盈虧
鷓鴣自高舉燕雀安能知勿謂池曠小芥子藏須彌

柳巷

種柳圭塘路行行便向榮雨晴羞眼澁烟煖紉香橫

安陽縣志

卷之九

藝文下

署

承恩堂

色比金猶嫩枝看翠易盈林疎無繫馬葉密有啼鶯
線亂柔條裊氈鋪落絮平尋詩常獨往送客或同行
歸院塵難到還家月每明止通陶令宅不接亞夫營
京兆時非昔平康夢自驚陽關休疊曲司馬易傷情
徑恐春回馭仍將酒解醒託根因勝境由徑得佳名
莫訝公休吏詩成句未精妙詩金燕遊密與蓬瀛期

菊壇

平生惜花心秋香菊偏好西風催作花晚節霜可做

綠葉芘長身青幢擎大纛區區益楹間何足相慰勞
贊土築高壇玉級磚以燎維黃鎮中央紅紫間白縞
錦繡燦天成栽培盡入巧處士晉風流將軍漢嫖姚
茲焉遂盍簪宛若相騁規譬彼野遺賢登崇至廊廟
期已治而安希爾壽而耄佇令隱逸歌俱是昇平調
抱甕學圃人奮勵堅厥操朋游詫奇觀風露難徑造
就之酌美酒杯行再申約號令素嚴明違者大白醜
孰欲掇其英陋彼東山嘯肅肅景高寒顛顛肯傾倒
安陽縣志

卷之九

藝文下

哭

承恩堂

儼如虎帳中何緣落烏帽

藥畦

皇元四海同壽域蹇予生年值大德養生治病更茫
然弗曉良醫解醫國揭來鄉里營園池園平如砥池
如圭栽花種竹植菴李餘地畝許畧爲畦於時風日
正清美歲事豐穰足生理林慮山人偶相詭此土此
畦宜種藥便令健僕入西山計品尋苗恣移掇黃精
地黃遠志同歸水蒼白芍藥紅參苓芝芎及杞菊

露披霞母損叢區分類別密培本開渠引水恒憧憧
東君忽爾傳春信生意津津看滿徑眼前有效未能
施地下名公誰與問但存方寸濟生心更別君臣明
至論

蔬圃貴五辛之盤吾亦憐
有池可汲園可斲拂袖歸來心願足自甘學圃爲小
人愛此菜茹兼苜蓿元修雨後脆且腴諸葛敷榮蠹
濃綠蘿蔔生兒芥有孫芋魁出水頻澆沃罷鋤時或
安陽縣志 卷之九 藝文下 畧 承恩堂

釣池魚隱几何曾夢蕉鹿既無抱甕老翁勞亦免趨
炎脇肩辱嘗寓甲第中紛紛厭梁肉今且烹葵藿食
鬻雜野蕪被紫駝峯出翠釜爭如菘韭侑炊粟五侯
之鯖世所貴五辛之盤吾亦欲庸人皆被富貴熏或
羨吾饗是清福但令此色毋駐顏雋味齧根充我腹
三年不窺慚仲舒吾儕何可輕樊須九月築塲十月
滌連年藉此輸官租

新開數畝枕洄流擬卜幽居事靜修三徑菊松方可
圍一川風月小宜樓茫茫宇宙人空老冉冉光陰歲
復秋千古斯文天未喪著書端不爲窮愁

寄題後渠書屋

八首

明顧

璘

尙書

其一
汨汨寒渠水迢迢落太行震雷崩斷石懸溜別清漳
灌注分林麓棲遲得草堂頓傳崔子玉新有浣花莊

其二

安陽縣志

卷之九

藝文下

哭

承恩堂

清渠橫舍後碧色動城隅寒掠垂簷幕光搖插架書
斜風飄白鳥落日倚紅蕖渺渺江湖興投竿豈爲魚

其三

司成捐珮日歸去濯清流雲水傳青眼雞豚供白頭
雨添雙棹興花動四鄰遊欲看西山色林間更起樓

其四

幽棲歸水瀨野杏洽春郊帖竹成魚笱分泥上燕巢
琴尊宜暇日農圃得新交已識元仍白無勞各獻嘲

其五
流溢六水盟壁而不見於自處
聞道銅臺下鷓鴣舊有陂新渠湫幾許春水亦漣漪
枕席神逾定園林物自私相望淇澳近移種竹千枝

其六
餘棗積棗竹亭

爲園非洛下抱膝且隆中出處關吾道文章協大公
祇今瞻獄立誰與泣途窮一息圖南翮將搏九萬風

其七

學士還書屋銀魚向壁懸王通才不小劉向論何偏
安陽縣志

卷之九

藝文下

吳

承恩堂

抱甕開蔬圃披裘弄釣船那知升斗水中有蟄龍眠

其八

小築家林接尋幽野興通雨屐翻徑綠風棗墮階紅
地僻衣冠懶情閒著述工渠頭秋水至東望意何窮

爲崔後渠詠棗竹亭

明 李夢陽

崔家孤亭萬竹裏繞牕粟粟青琅玕結實當春鳳不
餒託根有地龍且蟠霜風飄蕭起空谷美人翠袖生
暮寒彼淇盈盈一水隔望而不見徒自歎

鄉國哲人萎乾坤正氣收千年鍾景運一代仰訃謀
伊昔掄魁日聲名動帝州鴻才傾藝苑清貫列瀛州
直館分曹業經筵入告猷學源揆古昔詞藻陋枚鄒
抗疏舒孤憤匡時賈衆讎萬言遺宰執十議感宸旒
節義人寰著楨標漢史留南遷違魏闕春早泛江舟
丹陛班行遠白門弟子稠往來頻去住歲月漫葵猶
心侶還雖苦名同在洛優相臺長散逸洹水任清幽

安陽縣志

卷之九

藝文下

辛

承恩堂

竟阻台衡席俄愁宰木丘輿情情永盡余意若爲不
盛世開昌曆弘文邁有周秦陵集多彥大雅偏前修
衆力匡維極淫辭且未休折衷誰是最夫子更稱尤
孟氏承三聖程門會九流粹然出正允矣殊無儔
木籍傳貞軌羣書失贅疣此席功獨去彼外更何求
賤子辱青眼童年始草頭樞趨歲與進應對誤相投
分篆膺新命之官續舊遊宮牆因在望蘋藻幸重羞

未附門生籍能忘國士酬遲回無限量空悵鄴城秋

平陽山... 桑麻百... 漢清... 花更得... 青山作重

良... 何處是仙家

苦應山 二首

本朝 馬國楨

沐密... 鬱鎖烟霞虎... 澗龍山入望... 賒滿地東風新綠

潤逢... 樂是田家

婦... 勉力稼... 勤籬邊... 雞犬自成羣... 牧童避入前村

夫... 寧歌聲... 隔樹聞

安陽...

卷之九 藝文下

承恩堂

清涼

元 曹 景

幾年... 浪... 塵... 涉... 涉風沙亦何幸... 於今未了看山

綠... 聞... 說... 清... 涼... 在... 清... 境... 四... 山... 回... 抱... 開... 翠... 屏... 中... 有... 招... 提... 曰

修... 定... 主... 人... 載... 酒... 邀... 我... 過... 石... 逕... 崎... 嶇... 度... 重... 嶺... 羸... 懸... 垂... 耳

不... 前... 境... 高... 擎... 藤... 壘... 參... 井... 白... 雲... 崦... 靄... 無... 處... 尋... 路... 轉... 峯

起... 意... 方... 省... 亭... 亭... 塔... 認... 高... 標... 滿... 谷... 松... 杉... 密... 相... 映... 半... 天

金... 善... 聖... 雙... 遊... 人... 道... 經... 營... 自... 師... 猛... 豁... 然... 到... 此... 脫... 羈... 囚... 塵

夢... 悠... 悠... 一... 物... 離... 雄... 樓... 突... 出... 倚... 晴... 空... 萬... 壑... 風... 嵐... 歸... 引... 領

逸興翩翩不可收擬著新詩狀烟景寺僧亦愛詩人
清自汲山泉潑松茗呼童洗盞開芳樽况有嘉餽薦
春餅酒酣大笑發高歌舞袖婆娑亂雲影一時文彩
重劉曹千古高情慕箕頰惜無指日魯陽戈勝地可
能留少頃據鞍歸去復徘徊野烟漠漠平林暝

明崔銑

束髮厭喧囂閉戶恣揆搜慙爾舍琴瑟於茲漫追遊
犬吠石門溪鐘鳴山寺幽烟林煖如霧雲樹淒於秋
安陽縣志

卷之九

藝文下

五

承恩堂

清泉滌塵襟丹崖豁俗眸水聲澗底響塔影峯尖浮
振衣千仞岡濯足萬里流慨然慕斯人邈焉寡其儔

韓陵

明李夢陽

韓陵歲久不知名聞說對君舊韓成千載興亡隨落
照幾人今古愧高情城鴉早逐秋陰散浦樹遙含曙
色明莫向蘭陽頻弔古已從分割見昇平

楊一清

飄泊錢匱土一丘招提香火自春秋寒烏啼落陵前

月疑訴當年汗馬愁
天恩恩膏寧愛寶人

萬餘登韓陵山
不於合肅關破敵謝可榛

立馬弔高歡烟蕪滿陳迹可憐當世功不見韓陵石

皇眷過韓陵山問北朝舊碑
本朝 朱廷璟

霸業雄江左詞華起建安不將一片石畱與後人看

韓陵山
徐開錫 同知

千秋高製賞先民幾尺殘碑琬琰珍雅與靈光存魯

國真同絳帖勒汾津銀題無復華林舊彩筆長畱片

安陽縣志
卷之九 藝文下 承恩堂

石新淨拭蒼苔摩數幅橐中滿貯未為貧

課農至韓陵山作
馬國楨

為訪韓陵石行春北郭東鳴鞭穿麥隴清磬出花宮

卜稼遵先政看碑慨戰功今

皇聲教一寧數霸圖雄
本朝 朱廷璟

立珍珠泉
本朝 閻興邦 巡撫

萬粒清圖出地奇不從合浦鬪妍媸分流阡陌能生

稼遍灑郊原滙作陂天賜恩膏寧愛寶人沾潤澤

摩碑暫來亭上勤

王事史李諸賢是我師

人於... 昔留奇觀... 徐開錫

同知

真成方外馬曹閒細草承輪日看山為愛垂楊橫谷

口因隨流水入松間圓開池藻噴寒雪亂逐溪花下

碧湍好借僧房白石鼎白燃竹葉試茶還

馬國楨

一鑑標名勝清泉百道流翻飛晴雪噴晶瑩夜光浮

安陽縣志

卷之九

藝文下

詩

承恩堂

似有鮫人獻將無蠓母遊含情還北向渺渺到

神洲

暮歲... 姚元芳

梅谿 逸叟

老去情耽山水緣還憑藜杖訪珠泉靈源出湫涓涓

沸嬉澤涵輝顆顆圓真賞未容魚目混暗投奚取世

人憐鴻濛自昔留奇蹟遮莫驪龍此內眠

高平渠

徐開錫

春城西去亂鶯啼一帶橫塘碧草萋曲曲斜疏竹簫

水涓涓分漑稻花蹊閒來載鶴看青嶂喜見驅牛下
綠畦聞道漕舸都北發洄波盡許入芳堤

雙貞吟

宋鳳來

知府

柳州

府

山可騫崩海可竭綱常終古如恒月一從頑鄙負須

着賴有貞媛補其闕劉家三母烈且躋雪筠霜栢挺

中天龐氏罵賊甘一死徐母撫孤葆萬全陵遷谷變

存其事夫准致命乃遂志皎日苔碑炤斷菟荒原血

草饒生氣嗚呼孤兒念母泣徵詩不盡昊天罔極悲

安陽縣志

卷之九

藝文下

五

承恩堂

草詩題節烈龐氏



本朝

孔印樾

河南
督學

節烈多從禍亂開貞媛含笑陟仙臺編綦獨凜綱常

重簪後偏持明哲才一死足瞻冰雪志千秋惟聽管

絃哀只今枯草猶生氣畱得芳名式後來

毛際可

彰德

司李

李

鐵騎千羣盡荷戈傳聞賊已渡漳河肯梳新樣蓮花

髻懶唱同心碧玉歌梁上有巢棲翡翠塚前無石不

嵯峨於今獨讓稽延祖黃絹裊陰伴綺羅

吳振周

吾友劉使君菘園稱國瓚寄懷醒醉間有時白雙眼
厥配氏曰龐莊淑推壺彥績燈伴夜讀藜糗恭梁案
靜好宜百年數奇忽蒙難晉寇踰太行殺掠熾兇燄
猝犯郡之西倉皇各奔竄龐為賊所迫怒罵氣英侃
蹈刃不辱身垂光比星漢至今畢命地萎草赭不變
許君敦葵好鐫石表貞媛祝祀慰芳冤闡幽立佳傳
嗚呼三百年教養恩非淺慨彼温飽流蒙面不知赧
安陽縣志 卷之九 藝文下 承恩堂

題廬墓 明 劉幽孝

遙憐郭本情何苦幾度思親 兩鬢霜烟鎖洄流寒咽
咽谷搖風木盡茫茫哀猿夜下清楓淚冷雨冤驚碧
草香彤管光輝歸柱史鄴臺千載播餘芳

過鄴弔謝茂秦山人 明 吳國倫

幾度漳河不見君半生消息 旅中聞談詩夢老燕山
月鼓缺歌寒鴈塞雲四壁琴書萬慘澹諸王恩禮罷

殷勤誰移一片韓陵石爲汝重題處士墳

山入魏郡

野色澹無際孤雲逐馬來路縈千里出城挾兩河開

雨氣含沙麓烽烟入魏臺塞帷問故老誰復象龍才

日送同年時子求之安陽令

明陳子龍

良辰命徒御送子步清漳西陵何鬱鬱三臺亦已荒

霸圖既衰歇王路方平康傷哉洪河北千里莽戰場

剖符縮轂會日夜整我疆蒸黎仰闔澤武衛資奮揚

安陽縣志

卷之九

藝文下

五

承恩堂

勉子榮世業遠績政輝煌何時清音奏寄予南山陽

送盛明府啓元赴安陽

明謝榛

漳南二十秋淳俗故相留復此爲燕客翻然送鄴侯

日搖官柳色雲入御河流別後知無訟鳴琴坐縣樓

其二

中州夏未雨爲令此心懸郡縣逢今日誅求異往年

山迴鄴城樹路出滏陽田不見西門豹千秋共道賢

之官渡漳河偶成

本朝馬國楨邑令

一水分南北漳河古要津脈將洹衛合境與魯燕鄰
底績思神禹褰裳念小民驅車問前路喜近鄴城闈

次豐樂鎮述懷

路入東陽風景清停驂豐樂是嘉名歲稔喜見桑麻

長才拙慚虛父老迎遠樹烟光閒畫眉斜陽秋色映

行旌今違子舍親民社翹首邊雲何限情

時嚴右督師塞外

鄴中懷古

河朔名區勝勢并繁華鄴下竝西京秋光獨老韓陵

安陽縣志

卷之九 藝文下

五

承恩堂

石草意全荒亶甲城趙魏北縈天地濶漳洹東下水

雲平

聖朝廿載銷烽火萬里中原好勸耕

鴻絃擊鼓竝吹竽報祀千秋魏大夫我有田疇思得

歲公爲汜獲賦多稔鄴城澍雨春常滿漳水安瀾澤

未枯父老藻蘋歌正永神來髣髴翠旄無

附錄 鄴南城

金

杜

瑛

王氣消沈井逕荒北風日夜叫枯桑星移天上河聲
斷草沒陵頭石色蒼陸地百年滄海變西陵千古暮
雲長鳴嗚咽咽平川水寒遶陰山恨未忘去時來時
夢中西陵血故懸憑稟火劍雲橫轅容吼風雷萬水
望眼憑高入杳冥偶隨飛鳥到西陵波聲冷撼蒼崖
石霜氣裊凝老樹水自謂摸金神可侮豈知破冢鬼
還憎卻憐橫槊英雄志畱與詩人說廢興水天風鼓

知鼓蕩陰道中

安陽縣志

卷之九

藝文下

七

承恩堂

城連蔓草就陂陀匹馬元黃兩鬢皤兔穴廢場新事
改鷺巢老樹舊恩多嵇林鬼物防幽棘羨水天風鼓
恨波顧我本非塵土客雲山隨意聽高歌映湖泉
壁眼晴出相州冥調張魚匠西對楚聲今樹蒼
夢中鄉國血沾襟愁裏光陰雪滿簪客路風霜蕩水
澗詩囊塵土飯山澗花開自落本無事雲去復來猶
有心閒健擬從嵇阮醉山陽暮雨竹城林對千石

登古鄴城

流北風日齊門林葉星移天上河聲

杖底行雲拂古苔袖邊風雨濕輕埃風聲刷帥黃龍
去水勢朱家白馬來往事無端隨世變野花依舊向
人開九原喚起陳書記坐對三臺其一

環翠亭燕飲

坐客終朝望眼西好山高與暮雲齊鶴鳴魚浦天風
急鷺背仙宮海浪低千古地形雄妹土一川烟景勝
耶溪歌聲喚起凌波夢蓮葉香溪路恐迷

三臺懷古二首

安陽縣志

卷之九

藝文下

卒

承思堂

巋然雙塔夕陽明慨想曹瞞舊典刑九錫初非基禮
讓三分猶自愧英靈水從石椁沉邊白山在香囊分
處詩空使狂奴誇壯健西陵草木爲誰醒
白鳥飛邊望眼寬興來一吸酒盃乾三花漬雨鐵梁
澁蔓草接秋水井寒樹拂曉風搖北上水涵落日蹴
西山昔生豈識興亡事片瓦摩挲認建安

賦

景韓賦

本朝馬國楨

繫謫姿之媿固兮承駿烈於先聲本孝忠爲菑畝兮
敦詩書爲播耕勤祓濯以自治兮肇蒞蕙以揚清欣
庭訓之蚤聞兮勗昕夕而邁征實遜志以廸修兮詎
徇槩而邈芳型期古人之作師兮昭樹立而振光榮

恭

聖皇之嘉命兮綰半通於洹水辭燕臺而長驚兮緬
相城而稅止韓陵截業以盤紆兮衡漳蕩滴而漪瀾
綰中原之輪轂兮爲有宋魏公之舊里祇余懷而懣

安陽縣志

卷之九

藝文下

空

承恩堂

息兮神嚮往而靡已維忠獻之德業兮長照耀乎山
川洵揆奮之允協兮亦將相之攸全奠定勲高於宗
社兮安攘烈懋於旌旃並文范而有光兮邁歐富以
稱賢英爽歸諸冥漠兮遺謳永洽乎筦絃越千載而
如覲兮崇俎豆而流馨景我公之卓犖兮名炳煥乎
日星景我公之偉碩兮文彷彿乎謨經景我公之器
度兮弘藪澤而峙岡陵景我公之調劑兮融雨露而
肅風霆景我公之敷歷兮生輝金紫而歿照汗青寰

宇均爲之欣慕兮矧履鄉土而濟蹇乎麗碑之庭如
丘垤之企岱嵩兮峩千仞其在望也如蹄涔之宗河
海兮溯萬里而奔嚮也如時俗之想鳳麟兮追景光
而高唱也嗟喆人其云遐兮道綿綿而無窮顧斷斷
之小宰兮慚俛仰而曷從竊流覽於今昔兮謂伊周
之後而得公敬叱毫而抒思兮表欽挹之微衷竝山
高與水長兮悅奕代而承紳笏之清風

安陽縣志

卷之九

藝文下

三

承恩堂

高與水長兮悅奕代而承紳笏之清風

之於而縣公廉如事而皆思令奏煥然之燦東並山

之小宰令憫對泚而皆發廉而贊頌令昔令階州風

而高節也對苗人其云遐兮道綿綿而無窮顧斷斷

而令騰萬里而奔嚮也如時俗之想鳳麟兮追景光

而高節也對苗人其云遐兮道綿綿而無窮顧斷斷

安陽縣志卷之九終

安陽縣志卷之十

邑令襄平馬國楨纂修

雜紀志

災祥

備考

辨誤

國楨曰志以紀事國之令典也安邑居南北之

衝古稱都會其疆理之界建置之規戶口田賦

之數官師人物以及典章文藝之流傳既條分

而目析之鉅細蓋兼舉矣復綴之以雜志者何

安陽縣志

卷之十

雜志

承恩堂

紀其餘也夫古今迥禪變遷無窮不為綜其散

而會其歸安免挂漏之譏約之以雜凡不入於

前志而又不可以或遺者類載於斯使舊典遺

聞片言隻義囊括無餘考鏡析疑於此乎備焉

賦有亂辭歌有尾闕以攄不盡之意義固有取

爾也作雜紀志

○災祥

邑令襄平馬國楨纂修

隋

志卷之十

開皇七年相州有桑變爲蛇其尾繞樹長二丈

元統二年六月彰德路雨白毛士民呼爲老君髯

至元三年三月彰德路雨毛如綿而綠士民呼爲菩

薩綿或盜類不百萬收賦之慘數無幾士民皆

至正十六年七月彰德路李樹生瓜謠云李生王瓜

民皆無家霽剝燂不萎麥不市酥論此益賦曰

順帝末天寧寺塔放光如山爐鐵表裏皆紅立燂文

明啓末李...

安陽縣志

卷之十

雜志

二

承恩堂

天啓末年紅風從東北來天地人物皆變白色

崇禎十二年春大旱風霾蔽日麥苗盡枯至立秋方

雨八月嚴霜降秋禾萎麥不布種徧地盜起號曰

打糧肆其搶掠訖無官法矣至十三年歲終無雨

雪各處盜賊不下百萬郊坰之外逸無安土井皆

至淺涸帶泥汲飲長河有斷流者冰麥十斗銀至一

元兩三四錢不止木皮草根剝掘殆盡人相食甚至

父子夫婦互相殺食僻巷無敢獨行者羣狼隊行

東入外城終夜鬼哭日以爲常人亦不以爲異雖有
司煮粥賑粟直如恒河之一沙無救於死十四年
止收蕎麥瘟疫流行遺黎死者甚衆是歲冬縣治
東西營瀦水結冰成花十五年麥大稔民復瘟疫牛
東病死幾無遺類從來凶荒洊臻未有如此之甚者
國朝

康熙七年六月十七日暴風起東南揭屋拔樹連朝

大雨不止西山南岡一帶洪水驟發不辨村舍北

安陽縣志

卷之十

雜志

三

承恩堂

城傾圯村人夜見水頭有炬光雨後拾得一卵大
如瓜蒼白色殼堅如石而輕日中照之有光告官
復投於水

康熙十三年正月縣令廐中驟生駒

康熙十四年有鳥羣飛如波濤聲不知其數形類鳩

蒼白色缺後趾或傳爲邊鳥十七年再至震濡冰

雹損禾稼九月復大雪樹枝皆折

康熙十八年冬十一月縣治西營瀦水結冰成花如

李或如松鍼枝莖掩映作青色

康熙二十二年冬大雪園井皆凍

康熙二十三年四月初一初六風雷大作疊降冰雹

打傷人畜二麥俱毀奉

旨蠲免本年錢糧十之三

康熙二十九年三月庚申黑風驟作行人迷失道路

樹頭放火光是歲民間多火常平倉災大旱二麥

盡稿詳蒙

安陽縣志

卷之十

雜志

四

承恩堂

撫院閣題請蠲豁奉

旨蠲免錢糧十之三

○佚事 庚申三月庚申黑風驟作行人殺犬鼠

後魏奚康生少驍武藝弓十石矢異常箭觀者以為

絕倫後除相州刺史性貪殘而乃信佛求報每捨

宅作寺塔在州以天旱令人鞭石虎畫像復就西

門豹祠祈雨不獲令吏取豹舌未幾二兒暴死身

亦構疾後竟遭刑

元禎魏宗室封南安王孝文時爲鎮北大將軍相州
刺史帝餞於華林都亭五月至鄴其日暴雨大風
凍死者數十人禎聚飲肆情又以早祈雨於郡神
鄴城有石虎廟人奉祀之禎告神像云三日不雨
當加鞭罰請雨不驗遂鞭像一百是月疽發背薨
後禎孫中山王羲授相州刺史以七月上鄴其日
大風寒雨凍死者二十餘人驟馬十匹羲聞其祖
父前事心惡之又有蛆生其庭後亦被誅

安陽縣志

卷之十

雜志

五

承恩堂

元義僕守信總管符翁僕也姓郎氏符翁愛其謹信
字之若子符翁得痺疾長臥牀褥家資浸廢又無
田守信日夕奔走市井競微利以養肉食茶菓常
繼凡二十年翁卒壽八十五守信卜安陽西原墓
焉又事主母凡三年卒合墓治墳樹表嗟乎古所
謂僕名儒行守信近之矣

張洎宋人嘗言典相州日部民張某殺一家六人詣
縣自陳縣上州洎詰之曰某之姻某貧困常取息

於斯家少負必被詬辱我熟見心不平思爲姻家
報讎幸畢其志然所恨七口而遺其一使有噍類
私讎已報願就公法洎曰殺一家寧無黨乎對曰
某旣出身就死肯復連乃同謀又曰汝何不亡命
對曰姻家卽其鄰若不獲盜豈得安然曰汝不卽
死何就縲紲曰我若滅口誰當辨吾姻之不與謀
又孰與別其事天下等死死義可矣洎曰吾將聞
上免汝曰殺人一家安敢苟活且先王以殺止殺

安陽縣志

卷之十

雜志

六

承恩堂

若殺人者不誅是殺人終無已豈敢以一身亂天
下法哉速死爲幸洎嗟歎久之卒按法誅河朔間
無不傳其事者

○備考

卷之十 雜志 承恩堂

明崔文敏曰安陽在前代水冶爲輔岩縣永和爲永
和縣一曰永定今縣并之然實要衝長吏送迎貴
官或竟日不得視事田附西城東城者多爲圃縣
東夾洹水者田皆填淤宜麥宜藍秋潦或連歲無

成民饒裕田多者至三千畝或四千自善應西皆
山田中下多種柿梨棗核莧宜菽穀又善牧羊縣
南田近岡阜在縣北者土黑多沙又其下也軍校
錯民而居易犯法逮之輒臣頗稱難治成化前俗
朴厚而民富弘治間奢靡自壬申盜起歲入損少
乃更簡儉多棄賈爲農

城內設馬道蓋爲通兵馬傳號令用備緩急也承平
日久居民漸次侵占攘爲己業遂令狹隘阻滯在

安陽縣志

卷之十

雜志

七

承恩堂

來明萬曆九年郡守常公闕城得其情狀歷稽舊
制載籍莫存乃躬爲丈勘定立界限北面濶四丈
五尺東西南三面各濶四丈郭文簡續入郡乘今
并載邑志俾後有考焉

自壬申盜賊入郡小

安陽縣原額地一萬六千餘頃額徵漕米一萬三千
二百石零臨漳縣原額地八千餘頃額徵漕米一
萬二千八十三石零安陽附在郡城額派粳米祿
米共六千五百四十餘石臨漳止派粳米祿米二

百四十石以地畝數較量米數若大相懸絕實緣
臨漳地近小灘輸納就便故漕米數多安陽自變
革以後粳祿二米盡充兵餉支解之費十倍於臨
曾於康熙元年兩縣民相控辯蒙各衙門勘實舊
例悉遵往規載志以便徵考

詳見邑紳許西山正
漕永惠錄

○辨誤

明崔文敏曰史記河渠書言西門豹引漳水溉鄴以
富魏之河內而班固作溝洫志載史起言漳水在

安陽縣志

卷之十

雜志

八

承恩堂

旁豹不知用二說矛盾疑當時西門渠湮廢史起
紹修不知固之所載從何得也

邑有鄴二大夫祠
故附記此條

馬國楨曰縣學名宦祠有漢安陽令毛義之位不知

設自何時按邑名安陽自秦始漢初廢入蕩陰東

漢三國俱因之晉始復置安陽縣安得有漢安陽

令哉及考廣輿記漢之安陽乃今陝西漢中府漢

陰縣又查兩漢書地志皆然乃知毛公爲令蓋在

彼不在此也附辨於斯以俟後之尙論者再加詳

考焉

漳河草橋安臨磁輪流搭蓋歲某臨漳士民以隔屬

不便控邑紳衿具呈申辨畧云事惟公可人物不

平則鳴如今日臨漳之士民冒援赦款抗違舊例

推卸搭蓋漳河草橋嫁禍鄰封不得不公懇詳察

請 憲批奪者也夫漳河草橋每歲秋成以後安

臨磁公同搭蓋自明季以至我朝歷數十年而

竝無變更繼於康熙二十七年二月內蒙陞任磁

安陽縣志

卷之十

雜志

九

承恩堂

州朱以每歲分工搭蓋勞逸不均致多爭競以傷

鄰好因而會商良法挨次輪流事屬至公伊時通

詳 各上憲批允遵行永以爲例此二十七年之

原案有可據也暨二十八年六月內臨漳士民妄

以越攀難堪等情呈懇詳免蒙前任本府吳 批

令會議報奪及會稿詳覆亦奉有成例已久不便

更張之批此二十八年之原案亦有可據也且查

臨漳亦有草橋木料每歲裁解銀十八兩九錢零

漳河渡夫歲支工食銀十三兩六錢零載諸全書
班班可考况渡口額設之船安臨磁各備其一而
橋工按年輪搭安臨磁各任其勞詳諸郡誌歷歷
可稽今臨漳士民捏稱工勞費重曷援 赦款內
所開地方有現行事例不便於民者詳察開列具
題更正強欲詳請以異脫卸於安磁殊不知木料
銀兩奉裁之後此橋向係官拆官搭有何不便於
民昔之司牧愛民之念未嘗不切斷不遺害於民

安陽縣志

卷之十

雜志

十

承恩堂

問如果不便於民當日亦必力請中止斷不遵循
至今日誠有如此本府太宗師太老爺所批漳河
界在三屬輪搭俱有成案設有偏苦亦不隱忍至
今且曰臨邑新裁項下原有搭蓋草橋銀兩當年
先有定制則今日協濟之舉自非無因此真詞簡
意切難逃秦鑑者及奉駁查乃謬以當年原係協
濟木料銀兩非令臨邑之民駝載木料前往屬屬
鳩工億理屈詞窮矣夫此項銀兩當年果係協濟

何以全書內並未載有協濟二字且木料銀兩與安相若也渡船渡夫與安相等也既無此盈彼縮難言協力相濟總之臨邑十民既不翻閱節批詳案又不究心全書郡誌屢以偏詞爭勝妄圖推卸但成例歷今數十年而強欲紛更於一旦不特安民在所不甘磁民亦所不受卽論臨之士民而令其詳察舊案確查全書郡誌雖百其舌亦不能自解當亦自悔其謀斯下而計亦左矣按此呈引

安陽縣志

卷之十

雜志

十一

承恩堂

據詳明附刻志內一覽了然庶將來各安其所矣

其詳察舊案確查全書郡誌雖百其舌亦不能自

其查而不甘磁民亦所不受卽論臨之士民而令

其知圖聖令幾十年而無為健勇然一旦不特安

案而不究心全書郡誌屢以偏詞爭勝妄圖推卸

職司難以得辭文編邑士民將不翻閱節批詳

定財薄以難領魁夫與安財等也均無此盈彼縮

安陽縣志卷之十終

聖志跋

爲政之道有三移風易俗爲
上養輔之法爲下朱考亭作
吏南康甫下車卽搜考郡乘
識者以爲知治體安陽舊無
志說者謂其統於郡乘是

安陽縣志

志跋

一

承恩堂

矣亦以步崔郭兩公之後塵
難其人故闕之也幸遇襄平
馬父臺以衣冠世胄清白傳
家其神大父文毅公盡節南
疆聲震海宇三

聖天子御製碑銘親灑

宸翰以報鴻烈又封翁少宰
公部漕江南爲國股肱忠孝
節義馨鳳一門道學淵源箕
裘百世公以終賈之年窺朱
程之奧

御試高等出宰名邦三月政成

安陽縣志

志跋

二

承恩堂

澗會

撫軍閻公有修輯縣志一檄

公捧檄如獲故物焉乃捐俸

走幣敦延鄉紳之嚴正與諸

生之博洽者適館授餐給貲

飭役分局任事採集編摩歷

半載而告成事且邑居十省
衝要簿書填委賓客絡繹公
獨於風塵鞅掌中核譌辯僞
評次論斷折衷而總裁之井
井秩秩蔚爲國書使崔郭兩
公而後山川景物較若列眉

安陽縣志

志跋

三

承恩堂

賢人君子親如晤對其功顧
不偉與如彼製錦五采繽紛
事出衆手公集其成焉傳之
奕世同事諸子應亦與有榮

施矣

安陽縣儒學

署教諭河陽馬四瑞
導古杞劉島

謹全跋

安陽縣志

志跋

四

承恩堂



事出衆議公集其成焉
交世同事請子應亦與有
施矣
贛全翅

